



PREZIDÊNCIA KONSELLU MINISTRUS

VIII GOVERNUN KONSTITUSIONÁL

KOMUNIKADU IMPRENSA

Sorumutuk Estrordináriu Konsellu Ministrus nian iha loron 13 fulan-jullu tinan 2018

Govornu hala'o sorumutuk iha Palásiu Govornu, iha Dili, no analiza ona planu tékniku estratéjiku kona-ba preparasaun Orsamentu Jerál Estadu nian ba tinan 2018, ne'ebé hato'o husi Ministra Finansas iha Ezersísiu, Sara Lobo Brites. Planu ne'ebé hetan ona apresiasaun husi membru Govornu sira ne'e apresenta rekomendasaun ba metodolojia, kalendáriu no opsaun ba senáriu sira no fatór sira ne'ebé determina limite másimu ba Orsamentu Jerál Estadu tinan 2018 nian, haree ba objetivu sira husi Planu Estratéjiku Dezenvolvimentu, sustentabilidade fiskál no ezelesaun orsamentál ne'ebé ho kualidade.

Konsellu Ministrus aprova ona proposta ne'ebé hato'o husi Ministra Finansas iha Ezersísiu kona-ba Dekretu Govornu nian ne'ebé relasiona ho alterasaun daruak ba Dekretu n. 1/2018, loron 12 fulan-janeiru kona-ba Ezelesaun Orsamentál iha Rejime Duodésimu. Dekretu Govornu ne'ebé hetan ona aprovasaun ne'e ninia objetivu mak introdús ajustamentu sira ne'ebé tenke halo iha ezelesaun orsamentál iha rejime duodésimu nian, hanesan alterasaun ba regra klasifikasaun orgánika atubele refilete orgánika Govornu Konstitusionál VIII nian no exesaun atu uza osan husi duodésimu ba pagamentu hirak ne'ebé refere ba pensaun ferik-katuas, invalidés nian no ba benefisiáriu sira programa husi bolsa inan nian [bolsa da mãe].

Ikusliu, Govornu aprova ona proposta ne'ebé hato'o husi Ministra Finansas iha Ezersísiu kona-ba limite másimu ba dotasaun orsamentál temporária sira ba fulan-jullu tinan 2018 ho valór dolar amerikanu 88,858,422. **REMATA**



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@mail.com
(+670) 33 310 608